

Sredstva su utrošena za sljedeće programe:

- Izrada studija izvodljivosti, projektne pripreme i projektovanja (klizišta, javne rasvjete, deponija Smiljevići, Akademija scenskih umjetnosti, Kampus univerzitet, škole, podzemna garaža G3 Kolodvorska, zamjenski stanovi ul. Grbavička, Južna longitudinala u iznosu od 170.588,57 KM

Rekonstrukcija i investiciono održavanje

Za 2018. godinu planirana sredstva na rekonstrukciju i investiciono održavanje su iznosila 7.467.409,00 KM, a utrošeno je ukupno 3.161.195,35 KM, što predstavlja 42%.

Programi finansirani u toku 2018. godine:

- Javna rasvjeta općina
- Klizišta na području Kantona Sarajevo
- Osnovna škola "ANEX"
- Dom zdravlja "Kumrovec"

Direktor
Mirza Hulusić, s. r.

Ministarstvo za obrazovanje, nauku i mlade

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), i čl. 34. stav (5) i 68. stav (1) tačka c) Zakona o obrazovanju odraslih ("Službene novine Kantona Sarajevo", broj 40/15), ministrica za obrazovanje, nauku i mlade Kantona Sarajevo donosi

PRAVILNIK

O ISPUNJENOSTI UVJETA ZA RAD I AKREDITACIJU ORGANIZATORA ZA OBRAZOVANJE ODRASLIH

Član 1.
(Predmet Pravilnika)

Ovim pravilnikom utvrđuju se proces i način provjere ispunjenosti uvjeta za rad i akreditacije organizatora obrazovanja odraslih (u daljem tekstu: organizator), nakon izvršenog upisa u Registar nadležnog ministarstva i upis u Registar pravnih lica kod nadležnog suda i druga pitanja u vezi sa tim.

Član 2.

(Rješenje o ispunjavanju uvjeta)

- (1) Organizator koji je nakon davanja saglasnosti za osnivanje dobio rješenje Ministarstva za obrazovanje, nauku i mlade Kantona Sarajevo (u daljem tekstu: Ministarstvo) o ispunjavanju uvjeta za obavljanje djelatnosti obrazovanja odraslih i Rješenje o registraciji u sudski registar Općinskog suda u Sarajevu dužan je Ministarstvu dostaviti prijedlog programa za formalno obrazovanje koji je usklađen sa Zakonom o obrazovanju odraslih ("Službene novine Kantona Sarajevo", broj 40/15) i Odlukom o standardima i normativima za realizaciju programa obrazovanja odraslih ("Službene novine Kantona Sarajevo", broj 32/16) na odobravanje.
- (2) Za donošenje Programa formalnog obrazovanja za visoku stručnu spremu organizator obrazovanja je dužan svoj prijedlog programa uskladiti sa odredbama Okvirnog zakona o visokom obrazovanju u Bosni i Hercegovini ("Službeni glasnik BiH", broj 59/07), Zakona o visokom obrazovanju ("Službene novine Kantona Sarajevo", broj 33/17) i Odlukom o usvajanju principa i standarda u oblasti obrazovanja odraslih u Bosni i Hercegovini ("Službeni glasnik BiH", broj 39/14).

Član 3.

Dostava programa radi davanja mišljenja)

- (1) Po prijemu programa Ministarstvo rješenjem obrazuje stručnu komisiju sastavljenu od najmanje tri člana iz reda obrazovnih i drugih stručnih radnika iz oblasti za koju se donosi plan i program obrazovanja za dostavljanje mišljenja za stručne predmete i praktičnu nastavu.

- (2) Za opće obrazovne predmete Ministarstvo program prosljeđuje Prosvjetno pedagoškom zavodu Kantona Sarajevo za davanje svog stručnog mišljenja, a po potrebi može se formirati komisija sastavljena i od nastavnika angažovanih u odgojno-obrazovnim ustanovama ili drugim relevantnim subjektima iz oblasti obrazovanja, s ciljem dobijanja stručnog mišljenja o sadržaju programa.
- (3) U rješenju iz stava (1) ovog člana Ministarstvo određuje rok za izvršenje zadatka komisije koji ne može biti duži od 30 dana.
- (4) Rok za dostavu mišljenja Prosvjetno pedagoškog zavoda Kantona Sarajevo ili komisije formirane od nastavnika angažovanih iz škola, ne može biti duži od 15 dana od dana dostavljanja programa.
- (5) Stručna komisija dostavlja mišljenje podnosiocu zahtjeva koji ispravlja nedostatke, ako ih je dostavila komisija, u roku od sedam dana od dana prijema mišljenja.

Član 4.

(Rješenje o ispunjavanju uvjeta za rad)

- (1) Po prijemu stručnog mišljenja iz člana 3. ovog pravilnika Ministarstvo donosi rješenje o ispunjenosti uvjeta za rad.
- (2) Rješenje iz stava (1) ovog člana predstavlja akreditaciju programa formalnog obrazovanja odraslih za oblast za koju je rješenjem Ministarstva određeno da ispunjava zakonom, standardima i normativima propisane uvjete.
- (3) Protiv rješenja iz stava (1) ovog člana, koje je konačno u upravnom postupku i protiv kojeg se ne može izjaviti žalba, može se pokrenuti upravni spor kod nadležnog suda u Sarajevu, u roku od 30 dana od dana prijema rješenja.

Član 5.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 11/04-38-18827-2/19
6. juna 2019. godine

Ministrica
Mr. Zineta Bogunić, s. r.

Ministarstvo za boračka pitanja

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa Zaključkom Vlade Kantona Sarajevo broj 02-05-11332-18/18 od 26.03.2018, ministar za boračka pitanja Kantona Sarajevo donosi

PRAVILNIK

O SUKOBU INTERESA ZA ZAPOSLENIKE MINISTARSTVA ZA BORAČKA PITANJA KANTONA SARAJEVO

POGLAVLJE I - OPŠTE ODREDBE

Član 1.

(Predmet)

Radi sprečavanja sukoba interesa zaposlenika Ministarstva za boračka pitanja Kantona Sarajevo (u daljnjem tekstu: Ministarstvo) i lica angažovanih na provođenju poslova i aktivnosti iz nadležnosti Ministarstva, ovim Pravilnikom bliže se uređuje: definicija sukoba interesa, zaposlenici Ministarstva, lica angažovana na provođenju poslova i aktivnosti iz nadležnosti Ministarstva, principi rada zaposlenika Ministarstva, pravila ponašanja, postupanje sa informacijama, politička neutralnost, dužnosti zaposlenika, nespojivost sa dužnostima zaposlenika u Ministarstvu, sprečavanje sukoba interesa, rad u komisijama, odgovornost zaposlenika u Ministarstvu, disciplinska odgovornost i krivični postupak.